

7. gr.

Það er ósk gefanda að verðlaunum sé úthlutað við hátíðlega opinbera athöfn og þess þá getið í hverra minningu þau eru veitt, og fram tekið hverjum veitt, upphæð verðlauna og framlag verðlaunahafa. Jafnframt væri æskilegt að greint væri frá verðlaunaveitingunni í fjölmiðlum og Árbók Háskóla Íslands.

8. gr.

Heimilt er að breyta skipulagsskrá þessari ef rektor telur það nauðsynlegt.

9. gr.

Verði sjóðurinn lagður niður skulu eignir hans renna til málefna tengdra markmiðum sjóðsins.

10. gr.

Skipulagsskrá Verðlaunasjóðs Óskars Þórðarsonar lækni skal staðfest af dómsmálaráðuneyti samkvæmt lögum nr. 19/1988.

Reykjavík, 25. september 2000.

Bent Scheving Thorsteinsson.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 7. desember 2000.

F. h. r.

Jón Thors.

Fanney Óskarsdóttir.

SKIPULAGSSKRÁ

fyrir Húnasjóð.

1. gr.

Sjóðurinn heitir Húnasjóður. Heimili hans og varnarþing er á Hvammstanga.

2. gr.

Sjóðinn stofnuðu hjónin Ásgeir Magnússon og Unnur Ásmundsdóttir, til þess að minnast starfs Alþýðuskóla Húnavetninga, sem Ásgeir stofnaði og rak á Hvammstanga árin 1913-20. Stofnfé sjóðsins var í júní 1949 (á verðlagi þess tíma):

Frá Ásgeiri	kr. 10.000,00
Frá Unni	- <u>5.000,00</u>
Samtals	kr. 15.000,00

Stofnféð var greitt í fulltryggðum verðbréfum, sem féllu í gjalddaga þegar Ásgeir andaðist.

Sjóðinn má efla með gjöfum og áheitum. Frá og með árinu 2001 leggur sveitarstjórn Húnaþings vestra Húnasjóði árlega til fé samkvæmt samþykktri fjárhagsáætlun hverju sinni.

3. gr.

Tilgangur sjóðsins er að stuðla að endurmenntun og fagmenntun á þann hátt er síðar segir.

4. gr.

Sjóðurinn er falinn sveitarstjórn Húnaþings vestra til varðveislu og ráðstöfunar á hverjum tíma samkvæmt tilgangi hans. Stjórn sjóðsins hverju sinni er byggðarráð og skulu umræður um málefni sjóðsins færðar í fundargerðir byggðarráðs. Bókhald sjóðsins skal fært með bókhaldi sveitarstjóðs Húnaþings vestra. Byggðarráð Húnaþings vestra annast öll störf er sjóðinn varða. Stjórnin leggur tillögur sínar um styrki, er síðar getur, fyrir sveitarstjórn Húnaþings vestra til samþykkis – eða úthlutar styrkjum að fengnu umboði sveitarstjórnar. Hún leggur ársreikning sjóðsins fyrir sveitarstjórn til samþykktar. Reikningar sjóðsins skulu birtir með reikningum sveitarstjóðs Húnaþings vestra.

5. gr.

Fé sjóðsins skal ávaxtað í Sparisjóði Húnaþings og Stranda eða annarri tryggri peningastofnun, að mati byggðarráðs. Hálfir vextir skulu ávallt lagðir við höfuðstól. Aldrei má skerða það fé er safnast af höfuðstól og hálfum vöxtum, gjöfum og áheitum. Árlegt framlag Húnaþings vestra telst ekki til gjafa, höfuðstóls eða áheita.

6. gr.

Hálfum vöxtum sjóðsins og árlegu framlagi Húnaþings vestra skal varið til styrktar endurmenntun og fagmenntun íbúa sveitarfélagsins. Byggðarráð metur á hverjum tíma hvort ástæða sé til að styrkja nám í tilteknum greinum og skal slíkt tekið fram í auglýsingu eftir umsókn um styrki. Auglýsing skal birt í Sjónum eða sambærilegu innanhéraðsriti í júnímánuði og skal umsóknarfrestur vera tvær vikur. Þess skal gætt að styrkur spilli eigi aðstöðu nemandi til styrkja eða lána úr öðrum sjóðum. Starfssvæði sjóðsins er Húnaþing vestra.

7. gr.

Engar kvaðir fylgja úthlutun styrks úr sjóðnum. Byggðarráði er heimilt að óska eftir vinnuframlagi styrkþega svo sem skýrslu um atriði er tengjast námi viðkomandi, sýningu á verkum styrkþega eða þátttöku í annarri opinberri samkomu s.s. tónleikahaldi, allt eftir námsgrein styrkþega.

8. gr.

Í stað styrkveitinga eða jafnhliða þeim skal þó sjóðstjórn, ef sveitarstjórn Húnaþings vestra leyfir, heimilt að lána námsfólki, er um getur í 6. gr., fé sjóðsins, að meira eða minna leyti og án íhlutunar stofnenda um lánsfjárhæð til hvers eins og gegn þeim tryggingum og með þeim vaxtakjörum og gjalddögum, er sjóðstjórn í umboði sveitarstjórnar ákveður hverju sinni.

9. gr.

Ekki verða gerðar breytingar á skipulagsskránni nema með samþykki sveitarstjórnar. Bera skal breytingar undir dómsmálaráðherra til staðfestingar. Verði sjóðurinn lagður niður skal eignum hans varið til framfaramála í menntamálum í Húnaþingi vestra, samkvæmt tillögu stjórnar og að fengnu samþykki dómsmálaráðherra.

Að öðru leyti gilda um sjóðinn ákvæði laga um sjóði og stofnanir sem starfa samkvæmt staðfestri skipulagsskrá nr. 19/1988.

10. gr.

Skipulagsskrá þessi kemur í stað skipulagsskrár fyrir Húnasjóð sem staðfest var 2. ágúst 1961, nr. 84 í B-deild Stjórnartíðinda 1961.

Þannig samþykkt á fundi sveitarstjórnar Húnaþings vestra þann 12. október 2000.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 7. desember 2000.

F. h. r.

Jón Thors.

Fanney Óskarsdóttir.

REGLUGERÐ

um breytingu á reglugerð nr. 392/1997 um mjólk og mjólkurvörur.

1. gr.

3. ml. 6. gr. orðist svo:

Ákvæði um flokkun mjólkur, verðfellingu og sölubann koma fram í viðauka III.

2. gr.

1. ml. 11. gr. orðist svo:

Mjólkurstöðvar skulu mánaðarlega senda skýrslu til Hollustuverndar ríkisins og héraðs-dýralæknis um flokkun mjólkur í 2. og 3. flokk, sbr. viðauka III, frá hverjum einstökum framleiðenda í hverri viku.

3. gr.

Tölul. 1 í ákvæði til bráðabirgða fellur brott.

4. gr.

Eftirfarandi breytingar eru gerðar á viðauka III:

1. töluliður orðast svo:

Mjólkurstöðvar skulu flokka mjólk sem þær taka á móti, eftir sýnum af kældri mjólk, sem tekin hafa verið úr kæligeymi framleiðandans, samkvæmt ákvæðum 19. greinar. Séð skal til þess að sýnin berist rannsóknarstofu eins fljótt og kostur er, að þau séu óskemmd og í þannig ástandi að gæðum mjólkurinnar sé rétt lýst. Flokkun skal framkvæma vikulega á mjólk hvers framleiðanda og skal hún a.m.k. einu sinni í mánuði fara fram á mánudegi eða þriðjudegi. Mjólkurframleiðendum skulu ávallt kynntar niðurstöður flokkunar eigin mjólkur. Þegar mjólk einhvers framleiðanda stenst ekki gæðakröfur um 1. flokks mjólk, skal hún verðfelld samkvæmt ákvæðum 4. tl. og skal bæði framleiðanda og viðkomandi héraðs-dýralækni tilkynnt um slíkar niðurstöður tafarlaust. Sömu aðilum skal tilkynnt um sölubann vegna frumtölu, sbr. ákvæði 4. tl.